

Tilskot til lavterskel fysisk aktivitet for born og ungdom

Formål	Ordninga skal bidra til å få fleire born og unge i Hordaland aktive kvar dag.
Kven kan søkje	Kommunar og frivillige organisasjonar. Det vert ikkje gjeve tilskot til fortenebasebaserede verksemder.
Søknadsfrist	15. februar
Kva kan støttast	<p>Prosjekt som gjer dei aktive vala enkle for born og ungdom i lokalmiljøa. Tiltaka skal gje ny kompetanse og overføringsverdi til andre kommunar og organisasjonar.</p> <p>Tiltak der målgruppa har medverka vert prioritert. Det vert oppmoda til samarbeid mellom kommunar og organisasjonar. Det vert ikkje løyvd tilskot til anlegg som kan søke spelemidlar og til drift. Tiltak som har fått tilskot i tre år vert ikkje prioritert.</p> <p>Prioriterte prosjekt;</p> <ul style="list-style-type: none">a) tiltak som hindrar fråfall frå organisert aktivitet for ungdomb) tiltak for å nå minst ein time fysisk aktivitet kvar dag i grunn- og vidaregåande skule.c) tiltak retta mot inkludering av fleirkulturelle gjennom idrett og friluftslivd) lokale friluftslivstiltak som legg til rette for det enkle friluftslivet (dette kan også vere t.d. utandørs treningsapparat og felles utstyrsbankar)e) tilskot til oppstart og vidareutvikling av opne idrettsanlegg for eigenorganisert aktivitet for barn og ungdomf) Dokumentasjon av turbruk ved å investere i teljepunkt
Støttenivå	Gode prosjekt vert støtta med tilskot frå kr 10.000,- til kr 100.000,-. Fylkeskommunalt tilskot kan ikkje vere høgare enn 50 % av dei totale ressursane for prosjektet. Dugnad kan reknast som eigenfinansiering (inntil kr 300,- pr/time).
Krav til søknaden	Søknaden skal innehalde tilstrekkeleg informasjon/ dokumentasjon til at vedtak kan gjerast.

Søknaden skal fremjast på elektronisk søknadsskjema og m.a. innehalde: Dokumentasjon som kort gjer greie for målet for tiltaket, korleis arbeidet er planlagt gjennomført, kven som er involvert, framdriftsplan og ei skildring av korleis tiltaket skal vidareførast etter tilskotsperioden. Finansieringsplan/budsjett for tiltaket. Om tiltaket er støtta/søkt om frå andre fylkeskommunale/statlege tilskotsordningar, skal dette informerast om i søknaden. Mangelfull søknad vert ikkje handsama.

Vilkår for tildeling

Følgjande vilkår må vere oppfylt for at tilskot skal kunne tildelast: Midlane skal gå til prosjekt som gjer dei aktive vala enkle for barn og ungdom med hovudfokus på nærmiljøprosjekter. Det kan ikkje søkast om tilskot til anlegg og ordinær drift av aktivitetar. Tilskot til tiltaket kan ikkje overstige 50 % av den totale kostnaden. Tiltaket må gjennomførast innan utgangen av tildelingsåret.

Ytterlegare moment ved skjønnsutøvinga

Tildeling av tilskot til søknadar som fyller grunnvilkåra vert vurdert med utgangspunkt i føremålet med ordninga, der det m.a. vert lagt vekt på følgjande moment:

1. I kva grad det har vore medverknad frå målgruppa i utvikling og gjennomføringa av tiltaket.
2. I kva grad det er samarbeid med andre aktørar (kommunar og organisasjonar).
3. I kva grad bygger tiltaket ny kompetanse og har overføringsverdi.

Kultur- og idrettsavdelinga førebur søknadane for politisk handsaming og vedtak i Utval for kultur, idrett og regional utvikling. Kvar søknad er eit einskildvedtak og innstilling skal grunnjevast i saksframlegget. Vedtak som fråvik frå fylkesrådmannen si innstilling skal også grunnjevast. Utvalet har møte ei gong i månaden.

Rapportering/kontroll

Sluttrapport skal sendast Hordaland fylkeskommune innan 15. januar påfølgande år. Den skal innehalde:

1. Ei kort skildring av gjennomførte tiltak og ev. avvik frå planen for tiltaket.
2. Rekneskap m/oversikt over kostnader og finansiering.

Ev. dokumentasjon i form av foto, link til nettside, avisutklipp e.l. Hordaland fylkeskommune og fylkeskommunen sin revisor skal ha rett til innsyn i rekneskap og dokumentasjon i slik grad som fylkeskommunen og revisor finn naudsynt av kontrollomsyn. Administrasjonen kan gje utsetjing frå kravet om frist for innlevering av sluttrapport ved særlege høve. Brot på krava til rapportering/kontroll kan føre til at tilsegn vert gjort om heilt eller delvis.

Misleghald

Om tiltaket ikkje vert gjennomført skal midlane først attende til fylkeskommunen. Vesentlege avvik frå prosjektsøknaden kan føre til tilsegn vert gjort om heilt eller delvis

Klage

Vedtaket kan påklagast i medhald av forvaltningslova § 28. Klagenemnda for Hordaland fylkeskommune er klageinstans for vedtak knytt til midlar løyvd frå Hordaland fylkeskommune. Klage vert sendt til Hordaland fylkeskommune, Kultur- og idrettsavdelinga. Klagefrist er tre veker frå søkar mottok melding om vedtaket. I Hordaland fylkeskommune sitt brev til søkjarane om vedtak, skal det mellom anna opplysast om klagegang, Klagefrist og partsinnsyn mv. jfr. forvaltningslova § 27 tredje ledd.

Kontaktperson

Hanne Espe: hanne.espe@hfk.no

Tlf: 55 23 91 78

Eirik Knive: Eirik.knive@hfk.no

tlf: 55 23 91 66

Søknadsskjema

[Søknadsskjema](#)

Budsjett/finansiering

[Skjema for budsjett og finansieringsplan](#)

Rapporteringsskjema

[Rapporteringsskjema](#)